


江油縣志

地 280.111

34

122



江油縣續志序



江油有志自前令彭君始彭脩於雍正五年搜輯在
明季兵燹文獻凋殘之後勒成一書至今賴之顧具
時舊疆未復紀載僅今邑之半耳若雍正八年平武
撥歸讓里三十二載之事故則未遑及焉余於丁丑
冬抵任茲土嘗以硝磺之役陟天倉三竒諸峯縱目
遠眺東西徑三百餘里南北半之而涪江雍水渺渺
橫入煙霧間不知所際竊慨焉太息幅幘如是其大

江油縣續志序

卷上

也由中以思地不愛寶崇巖之利日興人不辭山蜀
道之難日集五方風氣既變古以成今三代富教應
有加而無已職司百里恭膺

簡命謂何以慎固封守網維人心俾按圖考籍而知
所措注與則續志一編義不容已者雖然蜀之志豔
稱升菴玉壘方洲前明三太史

本朝因之乃臻完善江于蜀亦小體之一續之詎易
易抑又思之必待才如良史需歲殷遙將物換星移

邑之淪落而湮沒者何限耶第恐塵封案牘民方呼籲於堂階釁起疆圉日且奔馳於雨雪遂欲凝神息慮考文於斷碣殘碑徵獻於巖棲谷處是則難耳茲者仰托山川社稷靈佑訟庭少靜年穀亦豐而邑中要務如水利城垣祠廟學校亦隨力畧為振興每退而寢不覺山風江流醒我夙願於此志怦怦欲動矣且夫匡山之岫讀書之臺前哲藏脩息遊之所閱世希踪聞風向慕者儒夙學詎云無人况

江油縣續志序

卷上

二

國家百餘年教澤深厚即玉堂金馬之英尚待掘起要自有探禹穴窺石室翹然於天柱龍門者出而相與慶同人之助焉於是謀之儒學彭君仁嚴君永孝貢士王子世良寧子愚輩爰取彭君之志凡三十九目分類詳核而增定之其大者標孝友以重人倫廣節烈以維風化補鹽茶以足財賦列十甲以定疆域至於鄉壩市場樓臺八景解支俸工武職雜記則或附或畧焉為目三十有四自己卯冬始事辛巳春竣

事非敢言文惟三十二祀之無徵是懼故謬托諸禱

謀云時 乾隆二十六年辛巳仲春望日

勅授文林郎知龍安府江油縣事紀錄四次滇南瞿

緝曾序

江油縣志序

郡邑之有志也或十年而一修或數十年而一修蓋以地利之險易異其形民物之正淫殊其俗財賦戶口盈絀之不齊學校人材興替之無定長民者必博觀記載然後風土所宜人情所習始得周知于以脩齊政教訓俗安民為太平之助志之為善書詎不重哉顧從來珥筆者大抵皆因前人已成之跡踵舊增新斯易為力若夫典籍淪亡老成凋謝而欲從劫灰兵

江油縣志序

卷上

燹之餘編成一帙以俟後之君子有所考訂可不謂難稽江油為古陰平郡僻處蜀之西北隅自遭獻賊蹂躪之後民無孑遺我

朝鼎新以來瘡痍始復土瘠民貧素稱難治牧其地者方招徠撫循之不暇又何暇訪求斷簡殘篇而亟亟焉為志乎吾友彭君半隱于壬寅冬出宰是邑甫下車即以修舉廢墜為首務凡學宮祠廟城樓津梁率皆次第整興復于訟庭鎖印竹閣風清之暇博採

遺文分類輯事彙成縣志三十餘條分為上下卷會
予督學西川駐節錦官舉以示予予閱之見其字斟
句酌繁簡合宜山川疆域之必詳徭役兵備之必備
理亂災祥之必悉忠孝節義之必書以及選舉祀典
水利課稅藝文沿革諸事一展卷而瞭如指掌燦若
列眉其有佐

聖朝同文之治良非淺鮮而又留心風雅加意表章
凡大匡天倉之山涪水西平之驛與夫李太白讀書

江油縣志序

卷上

二

之臺竇子明升仙之洞無不窮幽極渺或為文以紀
或賦詩以傳仙令風流論者比之單父琴堂河陽花
縣予因是不禁重嘆人材之相越未可以什佰計也
天下牧民者衆矣處勝地既苦其煩任凋敝又誑于
力而况文章政事世少兼科循吏儒林史無並傳君
乃舉古今人所難能者獨勝任而愉快
苟非積學之
深為政之勤何以得此耶蓋君幼承尊甫司空先生
庭訓負異才卓識自舉賢書即有志經濟之業以故

長材短馭游及有餘雖當簿書錢穀之勞仍不失吟
詠翰墨之樂今者江油士庶頌之曰神君愛之如慈
父桑麻四野耕鑿千家其為江邑之繭絲保障者不
亦至乎予與君少同里長同里兩世通門廿年交好
近復宦遊先後同事此方喜喜君經營之苦心有不
可沒者君雖不獲視草石渠校書天祿然
聖天子尊崇吏治方懸不次之擢以鼓勵官方吾知
其必有合也烏府螭坳旦夕可待君之設施必將有
之全豹也哉

江油縣志序

卷上

三

大過乎人者區區百里之間徵文考獻又豈足盡君
雍正四年歲次丙午九月重陽後五日

賜進士及第提督四川通省學政

內廷供奉

日講官起居注左春坊左庶子掌坊事兼翰林院侍
讀加一級任蘭枝拜序



江油縣志序

夫有文可考有獻可徵以成一邑之來此秉筆者之所樂也若典籍云亡故老靡存而欲搜討他書借資鄰域必身歷以稽訪焉不獨簿書冗雜居諸無暇即案牘稍清而跋涉溪山週行四境則亦難為有功矣能免掛一漏萬之譏乎江油雖邊隅僻處地介氏羗然自漢魏以來載名史冊豈閱數千百年而遂無可傳可紀者耶何往事之莫傳而目今之乏紀耶抑或

江油

縣志

卷上

四

遷徙無常沿革莫定而兵燹之頻遭耶嗚呼因陋就簡此前人之所安與斯土斯民相忘于渾渾穆穆之天而已余何為哉余奉

命來宰是邑入境即索邑志無有也但見居人散處仄途叢棘或五里或十里鷄犬無聞村落罔覩時有怪飛鳥飛鳴于荒烟蔓草中而涪水日夜聲喧崇山濃霧不捲驗牌甲戶惟五百課丁賦額少半千幅幘不及附庸舟車不通商賈此即卓魯復生龔黃再出亦

大費一番開闢功也况迂拙如余其何能濟且余思
聖人之訓治也在庶富教人非土不生計江邑地既
蕞爾山居其七水居其二可耕者祇一分土耳一戶
之上僅供數口多男則必出繼蓋地不足而人無食
也則庶之難財非積貯不裕獨江邑霧瘴四起而米
不過夏穀不過冬謀食者終歲耳時豐或免啼饑稍
歉遂艱糊口蓋地氣蒸濕而蓋藏不謹也則富之難
若夫學校荒蕪弦歌絕響雖鮮文翁雅化亦由志士

江浦縣志序

卷上

五

乏人半讀半耕治生是急寡聞寡見績學何從甚至
字不辨魯魚音不調平仄經史缺于几案師友踈于
切磋教豈易言哉然富庶或于限于天時地利而興學
勸勉則由于人事十室必有忠信口里不之一賢此
固有司者之責而亦士人所當深自砥礪者也苟相
與鼓舞以臻于文學之鄉將見家絃戶誦父作子述
則有文可考矣釋褐登朝懷珍待聘則有獻可徵矣
按舊日之封疆而復之則地廣而人庶矣闢蚕叢之

逕路而通之則貨集而富可期矣猗歟休哉庶可仰
答

聖天子懇懇勸農崇學之至意而不負大聖人庶富
教之垂訓也則余今日之所纂集者特蒿矢耳恐後
之視今猶今之視昔故不量鄙陋妄為編錄聊志十
一于千百以備後之君子增飾而補不逮云爾

雍正五年歲次丁未夏五月望前一日

勅授文林郎知四川龍安府江油縣事補行癸卯科

江油縣志序

卷上

六

丙午科兩充鄉試同考官加一級紀錄三次彭趾序



江油縣志目錄

卷上

圖考

建置沿革

形勢

關隘

田賦 附解支
俸工

祀典

江油縣志

卷上

人物

烈女

鹽茶法

鋪遞

山川

公署

禁獄

職官

星野

疆域

城池

戶口

學校

名宦

孝友

水利

津梁

十甲

附鄉堤
市場

古蹟

附樓臺

倉廩

寺觀

選舉

成均

卷下

仙釋

物產


流寓

風俗

藝文

江油縣志

卷上



二

江油縣志

圖考

志封疆者類皆有圖邑自平武歸地後幅幘倍增而志乘一書無圖可按則疆域之遠邇險易鄰封之交錯毘連及夫星野躔度城郭位次憑何識辨哉志圖考

天文圖


地輿圖

八景圖

江油縣志

卷上

天文圖




女

地輿圖

交劍州界二百里 東

交綿州梓潼界九十里

交平武界二百五里





江油縣志 卷上




古渡

江油縣志

卷上

飛橋
圖嶺



四


江油縣志 卷上



五




龍門
曉月



江油縣志

卷上

六



賢 匡
跡 岫

江 油
縣 志

卷 上

晚 陽
晴 坡



霧山
靈雨

江油縣志

卷上




江油縣志
卷上



仙金
洞光

江
油
縣
志

卷
上



天柱
樵歌

江
油
縣
志

卷
上



十

江油縣志

八景

邑雖僻陋山水具勝舊傳八景因地非故我不
必借美於鄰封也聊增改二三肯同泛設兼駢
題數語欲快卧遊志八景

西平古渡

綠波中隔白舫橫流沙際鳥飛灘頭人立手相招
而遙語湍激石以成聲野趣天生曠情地設宜晴

江油縣志

卷上

十二

宜雨可繪可吟

圖嶺飛橋

兩峯對峙一索中懸臨萬丈之深溪有知皆悚集

三春之善侶無遠不臻獨往獨來代出僧以司香

火共聞共見古蹟留蹟以示神奇

龍門曉月

龍歸何處乃有床存月照普空偏于洞值物有靈
而遺蹟光揚彩以生寒石笋嵯峨參差似笏甘泉

漏滴委曲成川俟曙色之朝升殘星落落疑早妝
之初啟寶鏡熒熒

陽坡晚晴

夕陽在嶺雨歇千絲反照盈坡光鋪一片牧野騎
背橫短笛以吹來笠掛農肩荷長鏡而歸去野花
柔草錦地猶明山色水聲霞天欲暮

匡岫賢踪

人以地靈地因人著覽崔魏之峯嶠勢壓龍川挺
秀逸之仙才名高唐室讀書臺畔老樹拂雲失鶴
池邊清波耀日勝遊懷騁似隔濁世以忘憂弔古
情深殆呼青蓮而欲出

江油縣志

卷上

十三

霧山靈雨

蒼翠如屏空濛入畫霧無心而冠岫雨有約以膏
原故百室所占而四時不錯望山中卜霧霏之自
至看翳日知旱鬼噬之潛消此尤水潦之所關非僅
景物之堪覽者也

金光仙洞

峻峭崇山攀藤陰險涉幽深古洞秉燭難窮餐石粉
以無飢拜金仙而招隱不盈不涸泉活常流隨鎖
隨開雲飛莫定嘆鐵船之何繫我欲乘槎撫丹竈
之猶存誰能鍊藥金光永駐勝地堪傳

天柱樵歌

林深似幙徑仄疑繩一望龍蔥靡驚鳥獸三秋剪
伐時響斧斤擔頭枯葉挑桃來澗外清謳和去樂雲

江油縣志

卷上

十四

烟之縹緲牧子諧聲悲風雨之淒其漁人同調

江油縣志

星野

蜀為益州地史記天官書謂益州為參分河圖
括地象云岷山之地上有井絡通志載成都井
鬼之分入參一度龍安井鬼之分入參二度江
邑界成龍之間星野可知也志星野

井鬼之分入參二度

江油縣志

建置沿革

溯自九州攸分因時制宜沿革各異或分而復合或合而復分國與天下其所由來遠矣矧區區一邑云爾哉志沿革

禹貢梁州之域周秦氏羗地漢地為廣漢郡剛氏道蜀漢為江油戍兼置廣武縣屬陰平郡晉宋齊因之梁為楊傑李龍遷所據後魏武帝置江油郡西魏置江

江油縣志

卷上

二

油縣為江油郡治廢帝二年置龍州隋大業初改州為平武郡後改龍門郡唐武德初曰西龍門州垂拱中為正州天寶復曰江油郡又改靈應郡復曰龍州又改為聖縣宋仍曰龍州江油郡又改為政州復曰龍州寶祐六年徙治雍村今西南二十里舊縣墟元至元間省江油縣入州至正中徙州治武都今縣治陞為元帥府明洪武初徙治青川江油併入梓潼十四年復置江油縣屬劔州嘉靖四十五年改屬龍安府

皇清因之順治年間併入平武康熙元年復設縣編
戶二里雍正八年撥平武讓里併入江油幅頓為倍
云

江油縣志

卷上

三

江油縣志

疆域

今之江油元以前之郡與州也明則併入梓潼國初又併入平武幾不復縣矣迨康熙元年復設始編戶二里至雍正八年割平武讓三甲益之幅幘式廓庶幾埒於隣封焉志疆域

江油縣

轄中壩司

在府治東南東西距三百四十里南北距二百二

江油縣志

卷上

四

十里

東二百里至劉家灣交劍州界

西九十里至通口河交石泉縣界

南四十里至黃樹坎交彰明縣界

北二十里至趙盤埡交平武縣界

東南九十里至黎埡廟飛鳳山交梓潼縣綿州界

東北二百五十里至宗坡山交平武縣界

西南九十里至元坪子交彰明石泉二縣界

西北一百三十里至青衣寨交平武縣界
自縣至府城二百六十里至省城四百五十里至
京城五千三百五十里

中壩巡檢司

在縣治南三十里東至全門壩世音觀交綿州梓
潼界西至白鷺菴黃連橋通口交石泉界南至高
泉山關家場馬頭山邊家溝交彰明界北至女兒
壩楊家菴火峯山張家壩交縣典史界

江油縣志

形勢

邑重岡伏地峻嶺橫天東西二隅曲環郡治南
北一路直達縣城乃涪水之咽喉實龍安之門
戶昔蜀漢有江油之戍至元開元帥府亦巖
疆險要用武地也志形勢

舊志云天山拱翠涪水潏涏居西蜀之上游通南楚

西之要道江山勝地漢魏名區

江油縣志

卷上

八

江油縣志

城池

金城湯池保障攸資無池已非設險周防之意
矧城垣久毀鎖鑰無司者哉故守土者耶即力難
大舉而設法經營以次修整亦分所應然耳志

城池

昔治在舊州附郭宋徙雍村即舊縣壩元時遷於武
都即今城明天順中典史姜綱奏建成化初知縣桑

江油縣志

卷上

七

時用馬月輝相繼修完建永安長寧二門正德中同
知段溥釐以石高一丈五尺周三里計五百四十丈

嘉靖初巡撫許廷光展修萬曆初知縣葉自新修益
墻堞知縣安祚復監串房環以濠明末遭張獻忠亂
傾圮殆盡

國朝雍正初知縣彭陟修築改永安門曰昇東長寧
門曰拱北乾隆初知縣魏文揚輔相繼修二十四年
拱北樓圯知縣瞿緝曾重建復補修東南二樓易其

額北曰拱極東曰近光南曰迎薰置城門鎖鑰砌石
數十餘丈將以次完繕焉

江油縣志

卷上

八

江油縣志

關隘

蜀匪嚙嚙其極則明季張賊之憂也依山憑水相土立防遏其遊走之踪斷其聯絡之勢則關隘要矣軍民力守而野無私交又何滋蔓之難

圖乎志關隘

中壩場

縣西南三十里接彰明太平場界水陸通衢商賈輻輳為江油門戶設有巡撫

馬蹄岡

縣東四十里新開場市孤立山岡為西路中壩東路重華嚙匪經行要路設有兵役

江油縣志

卷上

九

梨塏廟

縣東八十里界連梓潼分趕場市亦中壩重華兩路遊匪經行處

雙河場

縣東二十里近馬蹄岡匪類亦時至又為朝陽獅子諸碉硝匪透漏要路設有兵役

乾口

縣東北二百餘里兩山壁立中通一徑接三奇山礦廠為礦匪東路今設卡

麻柳林

縣東北二百里沿溪一徑山深林密乃礦匪西路亦設卡守之

黃連橋

縣西北八十里通天倉山金光洞硝廠並石泉通口彭明香水諸場接中壩司

江油縣志

戶口

舊志載人丁七百九十九丁八分今編至三千七百二十而三合之 盛世滋生戶口六百九十七丁已增六分之五矣至清釐保甲生聚且盈萬戶視疇昔招徠日豈復有土滿之患乎志

戶口

國朝自順治十年起至康熙五十五年遞增戶口三

江油縣志

卷上

十

百九十九丁九分舊例以兩人朋一丁是年倍加共七百九十九丁八分其餘增益人丁欽奉

恩詔造入盛世滋生冊永不加賦雍正七年丁糧合併徵輸又雍正十年奉文於平武縣撥歸管輸至乾隆十九年止統計人丁三千七百二十三丁

江油縣志

田賦

邑治負山而居夙號七石三土間有平疇亦大
麓^麓微區多屬鄰邑者江堰則限於地之不廣山
堰又苦於水之無多其餘塘堰全資雨集恃在
天時罔旱則惟正之供不事追呼云爾志田賦

全書原載額糧自順治十年清查起至雍正七年徵
輸止每畝載糧中田二升四合中地一升六合每糧

江油縣志

卷上

土

一石徵銀一兩八錢三分每糧二斗二合零載丁一

丁每丁徵銀一錢六分二釐零通計丁糧銀四百二

十五兩六錢八分四釐零雍正七年奉文丈^量丁糧

合併徵輸至乾隆十九年止除 藉田四畝九分不

徵丁糧外花戶三千七百二十三戶^墾輸中下稻山

坡田地共一千七百七十四頃七十四畝四釐零內

每畝徵丁糧銀中田六分三釐零下田三分一釐零

稻田一分二釐零中地四分二釐零坡地八釐零下

地二分一釐零又雍正十年平武縣撥歸管轄每畝
徵丁糧銀稻田一分二釐零中田一分二釐零下田
八釐零中地一分二釐零下地八釐零山坡旱地八
釐零通計共徵丁糧銀二千九百二十五兩一分六
毫三絲六忽六微四塵五纖遇閏之年每銀一兩加
徵八分二釐零平武撥管加徵九分二釐零

存留

一春秋致祭

江油縣志

卷上

十二

文武二廟及山川社稷各壇祠原編銀五十二兩八
錢因錢糧不敷每歲於地丁銀內扣留備祭共三
十二兩內酌撥二兩致祭屬壇

一廩生二十名每名歲支銀三兩二錢共銀六十四
兩遇閏每名加銀二錢六分六釐零

歲支

一龍安府知府俸銀一百五兩各役工食每名歲支
銀六兩共銀四百八十六兩

一本縣知縣俸銀四十五兩 衙役三十一名內門

子二名皂隸十四名馬快八名轎傘扇夫七名每

名歲支工食銀六兩共銀一百八十六兩 又作

作一名工食銀六兩隨學伴作二名每名工食錢

三兩共十二兩 又民壯八名每名工食銀八兩

共六十四兩 又禁卒八名更夫五名每名工食

銀六兩共七十八兩 又捕役二名每名工食銀

六兩共十二兩 又斗級一名倉夫二名每名工

江油縣志

卷上

食銀六兩共十八兩 又底舖五顯柳林松抱女

兒中壩六舖司兵十八名每名工食銀六兩共一

百八兩遇閏加增內奉文於司兵工食抽幫綿州

一名歲支銀六兩

一巡檢俸銀三十一兩五錢二分 衙役二名內門

子一名皂隸一名每名工食銀六兩共十二兩

弓兵六名每名工食銀八兩共四十八兩

一典史俸銀三十一兩五錢二分 衙役六名內門

子一名皂隸四名馬夫一名每名工食銀六兩共
三十六兩

一教諭訓導每員俸銀四十兩共八十兩 門斗二

名膳夫二名每名工食銀六兩共二十四兩

以上存留歲支共銀一千四百七十三兩四分所有

支剩丁糧銀一千四百五十一兩九錢七分六毫

三絲六忽六微四塵五纖兩次起運

藩庫

江油縣志

卷上

十四

耗羨養廉

一丁糧耗羨銀四百三十八兩八錢零

一五加徵
過閏再加鹽

引耗羨銀一百二十六兩七錢四分二釐 茶引

耗羨銀一兩八錢一分三釐七毫 共銀五百六

十七兩三錢五分五釐七毫

一知縣養廉銀六百兩 巡檢養廉銀九十兩 典

史養廉銀八十兩 共銀七百七十兩除於耗羨

銀留支外其不敷養廉銀歲赴 藩庫請領

江油縣志

學校 小學額取八名

蜀自文翁建學人材之盛比隆齊魯厥後文章
理學代生賢豪江邑固僻壤哉始或謂

文廟起於治東地靈未應自移還城內亦越有年山

川之氣于以知積厚而流光也志學校

文廟

元至正間知縣李彥文建于高堂里明洪武初
知縣周伯汶移建城內正統時教諭饒旭成化
時知縣張澄繼修明末遭寇燬國朝順治年
間移建治東三里康熙二十三年知縣萬瑞麟

江油縣志

卷上

十五

御書萬世師表扁額三十五年知縣于有慶繼修四

御製訓飭士子碑文雍正元年奉
旨建崇聖祠恭設五代玉牌位二年知縣彭趾繼修

四年奉頒
御書生民未有扁額乾隆三年奉頒
御書與天地參扁額十六年知縣楊輔相移建城內

魁星閣在文廟南乾

天柱書院在縣署右知縣朱樟建移祀文昌知縣

魏文題名義學知縣萬詢詳給膏火乾隆

二十二年知縣瞿緝曾請易今額改建
大門重修正殿講堂增置兩廊學舍

江油縣志

祀典

書曰至治馨香感于神明夫祭祀之典即至治中極要者今將率民以邀福於神年穀順成人登壽域則先聖先賢山川土穀常祀之外其顯佑於民者俱未可畧也志祀典

文廟

漢詔祀太牢諸侯王卿相至郡先謁廟而後從政北魏詔郡縣立學祀隋詔州縣仲春秋釋奠唐詔立專廟塑像衣袞冕南面宋詔立門戟二十四明詔郡縣以下朔望行香始為木主稱

江油縣志

卷上

十六

至聖先師孔子名宦鄉賢二祠附國朝定諡稱大成至聖文宣先師孔子雍正元年追封五代王

何縣亶鄭康成范甯增祀牧皮樂正克公都子萬章公孫丑諸葛亮尹焯魏了翁黃幹陳淳何基王栢趙復金履祥許謙陳澔羅欽順蔡清陸隴其並於學宮側建忠義節孝祠

武廟

在城東雍正三年追封三代公春秋祀太牢乾隆二十五年知縣瞿緝曾改建大門升高聖殿

社稷壇

在南

風雲雷雨山川壇

在北

先農壇

在東郊雍正六年建每歲候文到日致祭行耕藉禮蟒袍補服印官秉耒佐貳執青箱播

關行 種耆老牽牛農夫扶犁九推九返耕畢望

城隍廟 在城康熙六年知縣詹履道建五十五年知縣朱樟乾隆十八年知縣楊輔相相繼重修

厲壇 在北

文昌祠 即今天柱書院康熙五十二年知縣朱樟自移祀乾隆二十二年知縣瞿緝曾重修

魁星閣 在城

火神廟 有二一在城北一在東關

馬神廟 在城合祀大神廟

萬壽宮 在城江西北人建

江油縣志 卷上

張桓侯廟 在城西

五顯廟 在北郊

禹皇宮 在南郊湖廣建

土主祠 在紫龍山祀梁李龍遷志載封龍川土主

川主祠 在王枕山俗謂二郎神乃秦蜀郡太守李冰子佐父鎖水怪以靖水灾元至順年父子俱

封王蜀皆祀之

康濟祠 治西二十五里即龍王觀

顯濟廟 載府志

江油縣志

名宦

一代勲猷千秋俎豆粵稽西蜀自秦漢以逮

國朝官階雖異宦績各標蓋一命之士苟不忘所學

則仰文翁武侯諸先哲而興起焉者千載如一

日也志名宦

後周陸騰字顯聖龍州知州通江油路出南秦

宋洪咨夔浙江於潛人嘉泰二年進士任龍州知州

江油縣志

明周伯汶縣撫字有方創建文廟

文理均州人宣德年任知縣性剛政簡番寇至與民誓守城陷夫婦死之葬金盤溪

李藻貴州舉人正德年任教諭駢藍賊叛奉委督餉守高城身親決戰亡

潘大武貴州普定衛人嘉靖年任知縣平易近人片言折獄白去平番戍卒及金井夫役民

之便

國朝黃極奉天人康熙十九年任知縣有惠政及去民咸惜之

于有慶奉天人官生康熙三十五年任知縣重建文廟

王士穎字學齋閩縣人康熙己卯科舉人五十五年任知縣在任七載士民為立家膏雨坊

江油縣志

人物

賢才不擇地而生今所無者既為昔所有昔所
有者詎必今所無况

國家作育有年而磊落英多昔人战之截葉嵯峨江

城雖小山勢於天豈亞峻極者哉志人物

唐李

白

字太白涼武昭王九代孫父客避難隱姓
為廣漢郡人公生指天枝復姓夢長庚入

懷故姓李名白少好任俠讀書匡山善賦詩號為

謫仙天寶初召見草和番書試清平調上坐以七

江油縣志

寶康手調羹賜之遂直翰林嘗薦郭子儀為中興
功首因為同列所謗詔許還山遂浪跡天下其碣

碑云與其才不與其命飲酒非嗜酣樂取其昏以
自賞作詩非事文律取其吟以自適好神仙非慕

輕舉將不可求之事求之欲耗壯心遺餘年也後
坐永王璘事流夜郎會赦得還代宗拜左拾遺公

已逝矣終於江南葬宣城謝家青山子伯禽早卒
孫出遊不知所存孫女二儂于農夫將改適能安

義命辭曰無面目
見先大夫乃止

衛信舉孝廉知荊州秩滿當選民乞留之
歷任九載政澤淪浹一時稱為賢守

徐忠進士任戶部主事淡為仕進官二年
告歸敦行古道不苟言笑為時所重

孫逢吉監生任兩當縣知縣建學興農士民感德
考滿歸里睦族訓子年九十三歲而終

江油縣志

孝友

百行莫大於孝生我劬勞疇不知之顧自姜詩

流芳而聞風向慕以孝友著聞者郡治惟平武

李芳一人豈孝德難言抑紀載之或缺與宜菟

而志矣志孝友

國朝袁州宰

生員袁好義次子母病數年不痊州宰禱于觀霧山誓以身代雍正元年私携香燭

懷小刀入山斷手腕而殞兩日後父兄覓屍得之烏獸罔侵越月其母痼疾忽愈

江油縣志

陳天爵

中壩人其母病危嘗刲股以療後數年而歿儒學陳明書嘉其愚孝以繼女妻之

甯

愚

貢生甯平壩人安貧讀書曾舉孝廉又舉優行皆不就惟始終一意事親備極誠篤

乾隆二十三年冬署教諭祝岷上其行巡道張之後贈孝子詩二首知縣瞿緝曾為之記

江油縣志

烈女

蜀漢之李夫人羞與不義同衾忠存千古尚矣

其次從一而終不憚艱苦能養其親以育其子

節非甚烈中輟中亦豈易得者哉志烈女

漢李氏

守將馬邈妻炎興元年冬十一月鄧艾深入陰平徑達江油邈不為備李曰近聞邊關告

急君豫然何也邈曰天子聽信黃皓禍不遠矣魏兵至日吾必降李唾其面曰君為男子先懷不

忠不義之心吾何面目與君並生乎忽報艾已入門邈忙出降李自縊死靜軒詩曰可憐西蜀多名

江油縣志

卷上

二

將不及江油李氏賢陽亭有烈女祠

國朝蔣氏

廩生舒繼董妻年二十九夫亡嘗割股以療姑病家貧課其子以麻縷布帛易書籍又嘗

誦感應篇訓之子三典謨訓皆成名壽八十三奉旨建坊知縣瞿緝曾送入節孝祠

李氏儒生羅運科妻年二十七夫亡善事翁姑年俱八十撫其子邦福廩生孫基衍選貢知縣

魏文旌其門

馬氏訓導儒駿女生員趙楷妻年二十五夫亡姑病每焚香請以身代今姑年八十二子光宗

武舉僉以為節孝之報云

舒氏貢生謨女儒童侯守節妻年二十一夫亡子方半月女二歲矢志守節姑與子女衣食常充

自衣雖百結無怨又嘗焚香告天請代姑病卒壽終子秉乾成名知縣楊輔相旌其門

雷氏 儒童呂和鐘妻年二十五夫亡氏克諧室家勤儉創業子女皆成立

呂氏 武生王永正妻年二十六夫亡奉先惟謹督其子景華保有基業

王氏 處士韓天生妻年二十五夫亡苦志守節撫子中榮成名家業嗣興知縣瞿緝曾旌其門

王氏 選貞世良儒童貫琳妻年二十夫以試見遺氣鬱而亡氏悲之父母舅姑無以釋其痛

愈年亦亡為合葬以全其志

蕭氏 處士薛維棟妻年夫亡撫子文斌成名又故再撫孫化楠克守家業知縣楊輔相

旌其門

江油縣志

卷上

二二

沈氏 廩生盧升瓊妻年二十七夫亡孝稱于姑祭不失時每早夜織紡以勤家業子孫鶴不幸

而殤撫姪成立今有四孫皆氏之力也

宋氏 苗筠節妻年二十二夫亡克盡孝道飲冰如茶撫子永壽成名嗣興家業今六十七歲

向氏 生員劉立魁妻年二十八夫亡苦志守節撫子成家年七十三

侯氏 儒童筮名儒妻年二十五夫亡夫弟鉅儒亦亡家最貧偕弟婦彭氏苦守子俱成立署教

諭表以額曰 一門雙節

彭氏 筮鉅儒妻年二十二守節事見前

江油縣志

水利

溯自岷山導江水利溥矣顧水有長短之分利
有大小之別限於地者苟可引灌惠政斯存正
不必離堆湔水之開鑿乃云因民所利而利之
也志水利

一甲

江堰四道

文昌堰
歐堰
許卷上

小河堰
對河堰

山堰一道

女兒堰昔有
女兒倡修故

江油縣志

名舊堰一道

白魚堰乾隆二十五年開修尚未告竣

堰塘十二口

筒

車二十二架

二甲

江堰三道

龍門堰
鐵佛堰
公堰知縣陳園修故名

山堰二道

天生堰
在石聖

岩兩岸夾石成
堰故名天生

龍宮堰

水湧石縫分
潤檢石上壩

堰塘六十五口

筒車二架

三甲

河堰三道

黃家堰
馬家堰
趙家

堰塘二十六口

四甲

山堰一道

劉家堰 堰塘二十四口

五甲

山堰一道

堰塘六口

六甲

河堰一道

堰塘十六口

筒車一架

八甲

河堰三道

永興堰 廣成

山堰一道

龍潭 堰塘九口

江油縣志

卷上

二四

筒車十六架

九甲

山堰六道

松潘堰 天生堰

牌樓堰

堰塘一百二

十口

十甲

堰塘一百口

江油縣志

津梁

乘輿濟人孟子曰惠而不知為政特引其偶然
以立論耳苟無是心雖有政不行焉則夫隔澗
斷崖支一石架一木不得謂非遺愛所及也志

津梁

一甲

西平渡

安平渡

俱涪江

江油縣志

卷上

二五

朱市橋

在東關舊有橋今廢登龍橋

南家橋

伍家橋

呂

家橋

興隆橋

新興橋

迴龍橋

永安橋

安

鳳橋

二甲

仙女橋

寶子明處合江橋

鐵索橋

在圖山雙峯挿天中懸鐵索為橋長

十餘丈彼岸有寶真人魯班二

殿代惟一僧能渡以司香火作新橋

永遠橋

新貴橋

濟慰橋

種德橋

迎龍橋

豐樂橋

瞿家橋

龍旋橋

日新橋

復永橋

江油縣志

鹽茶法

附田房稅

火井之利江油缺如間產山茗不得與趙坡水
南白芽蒙頂比故為數無多鹽引則遞增至三
百二十一張茶不過邊引七張而已志鹽茶

一鹽陸引共三百二十一張內潼引二百八十一張
綿引四十張共徵稅銀八十七兩四錢四分四毫
耗羨銀一百二二六兩七錢四分六毫硃力銀二

江油縣志

卷上

二六

兩二錢四分七釐內除耗羨銀扣支本縣養廉外
餘銀俱二次起解 道庫

一茶邊引七張認銷名山縣共徵課銀八錢七分五
釐稅銀三兩三錢四釐耗羨銀一兩八錢六分二
釐硃力銀四分九釐內除耗羨銀扣支本縣養廉
外餘銀俱起解 道庫

一田房稅銀歷儘收儘解起運 藩庫

三甲

馬家沈渡 在中堤涪水入彰明界

岳家橋 大石橋 任家橋 高板橋 三星橋

復興橋 兩河橋 待全橋 彰江橋

四甲

江村渡

八洞橋 雙板橋 即石橋

六甲

江油縣志 卷上

永興橋

八甲

雍村渡 繆家渡 觀音灘渡 潘家渡 龍門渡

俱小 江河

雙龍橋

九甲

龍潛橋 天生堰橋 雙河橋 龍潭橋 復興橋

柳堰橋 喻家橋

江油縣志

舖遞

國家聲教遐宣舖遞綦重江邑當成龍二郡之間往來公牘前此寄遞塘兵殊多未便嗣奉添設舖司又循例支給工食迄今乃無慮焉志舖遞

在城舖

五顯廟舖

柳林子舖

江油縣志

松抱栢舖

女兒堰舖

中壩場舖

城南三十里接
彭明太平場舖

以上六舖每舖司兵三名共十八名內抽幫綿州

舖司兵一名歲支工食銀六兩

按舊志載西平驛置夫二十名馬二十匹又有巖

溪舖石子嶺舖各置司兵今俱裁

江油縣志

十甲

城列三門鄉分十甲錯落重岡複嶺之間山麓少平則名為壩居人畧聚則號曰場新民漸倍舊民簡邑將成繁邑亦云庶矣而七石三土謂

富之何志十甲

一甲

縣城連二三八十甲距城約四十里北接平武南接彰明

武都壩

公子坪

柳林子

在涪江東舊產麩金

趙盤塬

治北二十

江油縣志

卷上

廿九

里接平武

高堂觀

東坪

大河灣

新開山

松抱栢

昔有枯松中生栢故名

竇坪壩

安平壩

崩土坎

白楊溝

又名青林口路通東坪至平武

蒼壩

黃樹坎

治南四十里接彰明

相傳張姓官麻城移種此樹枝葉皆黃

二甲

連一九十甲距城約三十里東接梓潼北接平武

陽亭壩

分沿涪江上下

謝家溝

雙河場

一四七期檢石壩

接梓潼

歐家壩

岡山坎

三甲

連一四八甲距城東西各九十里東南接綿州梓潼西南接彰明石泉

女兒堰 關家村 中壩村場 治南三十里接彰明水

巡檢 鄧漕河 新店子新開場 譚家坪 全門壩 燕子

場 杜家河 治東九十里接綿州 大茅山 接梓潼 倒掛牌 响石

壩 白岩 元坪子 治西南門八十通口河 治西九十里接石泉

四甲 連三五六甲距城約一百二十里東接梓潼

小溪河 治東一百二十里接梓潼 嚴家營 紅豆樹 斬石龍

落陽橋 黃茅嶺 桐麻溝 毛水堰 江村口

雙板場 三六九日場期

江油縣志 卷上

五甲 連三四甲距城一百五十里東南接綿州梓潼

大茅山 治東一百五十里 孤居梓邑之東 杜家河 接綿州 白廟子 世

音觀 苟家河 黎堰廟 治東八十里接梓潼 二五日場期 狗漕

子 高廟子

六甲 連四五七甲距治約二百里東北接梓潼劍州

風香溝 治東二百里 田家寺 寶子寺 燕子寺場

張村壩 馮家灣 小堰子 長坪 野馬壩 沉

水 苦竹溝 興隆場 在皇統廟 佛耳岩 接梓潼 重華場

七甲 連六甲距城二百五十里

劉家灣 治東二百里接劍州 牛欄溝 仙女山 大松樹 朱

家河 宮石堤 四顆石 治東二百五十里接劍州 五祖山

羅廟真 雁門堤 連七寨 接昭化 木水堤 宗坡山

治東北二百五十里接平武 乾口 十八渡 西遊 欠溪河

賈家堤

八甲 連一三十甲距城一百二十里西北接平武

鹽井壩 舊有鹽井今廢 趙家溝 張家壩 天倉山 青衣

江油縣志 卷上 三一

寨 治西北一百三十里接平武 馬溺水 下庄壩 讀書臺 唐

村 筏子頭 舊縣壩 即昔雍村

九甲 連二四六甲距城七十里接梓潼

轉岩子 毛堤子 水柴溝 龍潭堰 牌坊堤

馬蹄岡 三六十日場期 白沙坎 龍泉場 三六九日場期 猪頭壩 旱

祈雨祭 風於此 范家溝 白泥堤 五福寺

十甲 連一二八九甲距城三十里接梓潼

老鶯窩 柳樹溝 石子嶺 謝家漕 雙河場 二

甲石板河接梓潼雙廟子 高嶺 孔墳子

按邑大小地名一千二百有餘錄其地之內分十

甲外接鄰封者

江油縣志

山川

岷山導江禹跡千古若乃秀聳岷巖潔分江源
則茲邑之戴天諸嶺一壁萬仞長亘三百餘里
而涪流天半瀉龍門以出中出皆蜀北勝槩也志

山川

一甲

天柱山

治北十里山小而高形如立柱為縣治主山

龍頭山

又名迴龍台

江油縣志

卷上

三三

山玉枕山

有川觀霧山

霧起即雨可卜陰晴上有鐵瓦殿相傳普天大王建

白魚山

相傳有二白魚導水至山下為婦人所厭飛去故名涪江

源發松潘風洞古岷山分

水嶺東連小河經府城二里後西自南而東過縣治至彰明歷綿州入重慶大江

老虎灘涪

孤舟上培官樹龍門洞

泉流入涪中

仙人洞山昔僧

了然結廬于此洞

二甲

竇圖山

治東北十里石笋如圖兩峯突立中斷百餘丈人不能過昔唐主簿竇子明隱此得道故

以竇冠山名上

響崖山

方輿勝覽有鳴水山即此在治東南有飛泉觸石響應山

有蓬壺八景

名 永隆山 有文昌祠昔人會講遊息之處 捧珠山 火峯山 石聖

岩 有觀昔石像 放陽坡 風洞 在猪頭壩相傳邑有風災由此而出土人持豚酒祭

之 石盤河 淨水池 在岡山進香者於此盥漱 神水泉 水甘竹灌不竭

塘 昔人以竹筒取水灌田故名 洞溝 泉流不竭 歡來灘

三甲

大茅山 古樓山 石馬山 高泉山 涪江 由中堤馬

家沱 入杜家河入綿州通口河 由石泉鄧家渡至縣

彰明 渡入白岩 羅漢洞 洞門高朗內多佛像 黑龍潭 可愛

涪江 涪縣志 卷上

四甲

樓房山 天馬山 古城山 小溪河 入劍州 神龍

河 亦入陰平合流 江村河 源發白楊洞即


五甲

藏鷺山 鳳朝山 治東一百里形如飛鳳

六甲

老君山 雲盤山 盤龍山 朱家河 陰平下流匯入

梓朝陽洞 寰宇記云在州南八十里高九百丈陰洞



平合白櫟水今按
此洞當屬老君山
于洗足石佛岩
形狀宛然

七甲

雲羅山 金山子 五祖山
五峰平列神秀
諸山之祖隴蜀
俱瞻天為

三奇山 如飛燕巖石窠窠
宗坡山 治東北二百七十
里與平武分水

龍山 仙女山 天字岩
如天字故名 西遊河源

虎寨垣至松板雁門壩西壩
羅廟真入劍州黃沙壩大河
仙鵞池 池深不可測有

故名小池 山頂有泉一
大佛灘 治東北二百七十里
江油縣志 卷上

八甲

太華山 上有三峯 大匡山
又名大倉山 高聳幽秀
戴

天山 在太華天倉山
治西北百二十里 王匱志天

山記天倉諸峯屹然三十有
六上有太乙洞一名乾元山
點燈山 李白讀書臺夜

有光耀紫岩 太乙洞 又名金
光洞 洞中石粉如麵

如燈耀紫岩 太乙洞 又名金
光洞 洞中石粉如麵

三手像太乙真人香火洞深
宵不可窮究昔有百漚

洞潭水淵碧九龍洞 在太
乙洞內下臨深壑歲旱取

雍村河 又名小江 河流自
彰明龐家場過雍村失鶴池

在大匡山下李白詩有觀音灘有石觀
洗鉢僧臨失河池句

九甲

石碑山 兩壇山 龍宮寺
寺下湧泉為檢石一龍

王塘 歲旱禱雨用水車將外塘水扯盡伏入三塘取

縣驛緝曾為刻
靈泉二字于石

十甲

紫龍山 即新開山舊有知
縣余槐感雨亭 金鳳山

江油縣志

古蹟

勝蹟未湮後之人可想見當年風會然而滄桑多變其與化而推遷者且千百十邑也茫茫宇宙求所以壽金石而垂不朽焉顧安所得耶志

古蹟

江油故城

凡有三一在平武縣舊州距今縣一百二十里蜀漢為江油戍魏鄧艾入蜀由陰平

光

光

登至江油是也一在雍村距今縣二十里即舊縣塋西魏始置江油縣尋為龍州隋唐因之宋寶

江油縣志

卷上 祐六年隨州移治雍村是也一在武都興教鎮元併入龍州至正中隨州治徙此即今縣

雍村

孫居此故名即舊塋縣

讀書臺

有二一在大匡山一在點燈山皆有松遂名太白

鐵瓦殿

在觀霧山相傳普賢大士募建

飛天藏

在岡山建自宋元制度宏敞明季兵火不燬似有陰護之者

停驂樓

治束十里明知縣葉自新建今廢

超然亭

在岡山竇真人故蹟明推官朱仲廉建

感雨亭

在紫龍山明知縣余槐禱雨有應故建亭今廢

仙遊臺 在圖山明松潘兵備道羅時霖建

千家膏雨坊 在東關為知縣王士顛建今廢

謫仙祠 在讀書臺

弘真觀古碑 蜀志云在太華山之真登觀此記最古今不可考

匡山碑 錫李白出山詩碑缺不全

米元章碑 在城隍廟宋米芾書李白題江油尉廳詩

遊天倉洞記穴碑 在太乙洞明嘉靖壬子保寧府同知雲南葉松撰

寶圖山詩碑 有二俱明嘉靖間胡直余坤題

江油縣志

六

讀書臺詩碑 明嘉靖郭文涓題

圖山殘碑 有二一刻恬和子馬朝陽書人間天上存天上一刻色戴仁詩不全

重修樂靜菴碑 明邑人辛和撰

蛟龍碑 在圖山不全

海墘碑 在圖山明清霞道人撰

烈女碑 在陽亭堤祀蜀漢守將馬邈妻李氏今廢

江油縣志

公署

蜀志引左氏云署者位之表也其地負陽答陰
其事體國經野所係綦重矣居是位者體制宜
崇修葺務勤或且諉為傳舍其餘又惡是論乎

志公署

縣署

康熙六年知縣詹履道建

大門

知縣魏文儀門

聖諭坊

雍正

十一年大堂

康熙二十二年奉頒御書清慎勤匾額

過廳

知縣瞿緝曾改建

江油縣志

卷上

三九

二堂

知縣陸翼重葺

三堂

知縣萬詢重修

廊房

桂馥軒

知縣王士穎建

古廳

知縣朱樟建

門房

廚房

衙神祠

馬房

倉

廩

六房

竊候房

知縣瞿緝曾建

土地祠

知縣瞿緝曾改建前楹

典史署

在縣署右

教諭署

在教諭文廟右署祝岷改建

訓導署

在城東門內

巡檢署

在中壩雍正七年新設

督學院行署

在文廟右乾隆九年新建

公館三間

知縣瞿緝曾移建書院西廊地基二畝存

江油縣志

倉廩

積貯者天下之大計也其在江油城有常平鄉
有社穀

國家酌一邑之貯存廣四方之儲蓄命有司以時歛

散而經理之澤至渥也任至重也可弗謹與志

倉廩

倉廩五十間

內奉文變
價十二間
卷上

江油縣志

四十

共額貯常平倉穀一萬三百五十石九斗九升二

合八勺九抄

社倉十九所

- 一甲 香林寺
- 二甲 羅漢院
- 三甲 彌陀寺
- 天尊寺
- 心珠寺

- 文昌宮
- 白岩寺
- 藥師院
- 五福寺
- 蘇家觀

- 高寺
- 寒真觀
- 八甲 因明寺
- 九甲
- 蘇家觀

共貯社倉穀三千三百六十一石九斗二升九合

歷年捐輸至乾隆二十四年止

江油縣志

禁獄

舊志云獄雖設而常空前此之風也今則習俗
變於五方風氣難留古處囹圄之內反如福堂
此之謂不能以堯舜之心為心有司之罪也志

何尤馬志禁獄

監房一所內男監三間女監一間外墻二圍

在縣署儀門右

康熙五十二年

創建歷歲修葺

江油縣志

卷上

竊候房二間

在縣署大堂左乾隆二十五年知縣瞿緝曾新設

江油縣志

寺觀

琳宮梵宇半在高山流水間其清淨足以滌凡塵其法教足以成善果亦自漢以來於今不廢而愚者或不免薄親俸以勑庵觀則惑也仍舊貫可也志寺觀

一甲

東嶽廟

土主廟

祥光寺

在觀霧山普賢大士道場飛閣凌空上覆鐵瓦

江油縣志

卷上

四三

香林寺

天池庵

羅漢寺

迎恩寺

海濟院

高堂觀

昔有孝子為母而建故名

二甲

柱香祠

在永隆山今合祀關帝

石家庵

神水寺

關帝廟

善覺寺

雲巖寺

在園山唐乾符年勅建分東西二院東禪林西道觀合千百眾後遭

兵火院宇荒廢僧了然重修

寶真人殿

宋元間建雍正三年

佛定寺

三甲

文昌宮

在中壩有僧定安於官道禹皇宮 湖廣 天后

宮福建萬壽宮江西忠義宮陝西東嶽廟 彌陀寺

高寺 觀音寺 天尊寺 淨土寺 含真觀 金

輪寺 火峯山 心珠寺 普照寺 東林寺 晒

經寺 羅漢洞 白岩洞寺

四甲

射洪廟 普照寺 金寶寺 福嚴寺 妙明寺

天門寺

五甲

江油縣志 卷上

世音觀 黎壇廟

六甲

福壽寺 寒栢寺 皇統廟 福泉寺

七甲

浸寒寺

八甲

文昌宮 大悲寺 因明寺 大明庵 香林寺

太華觀上有三峯狀如華岳石磬寺寺側有石洞其相傳毛仙人修煉處



藥師院

匡山寺

唐貞觀中僧法雲開堂于此僖宗幸蜀勅賜中和寺寺右有李白祠

九甲

佛巖院

觀音寺

五佛寺

廣佛院

龍泉寺

蘇家觀

虎頭寺

金龍寺

報恩寺

菩提寺

龍宮寺

中觀音寺

十甲

火神廟

石家庵

江油縣志

卷上

四四

江油縣志

職官

國家一命之士例得附載職官然非為寵異而已或
司民社或掌教化其所建白雖不必盡登名官
但後之覽者可稱曰某某一二事功德在人亦
庶幾斯志之不朽也志職官

知縣

宋謝伯林嘗興水利開赤甲堰
書養生塘三字石刻

江油縣志

卷上

四五

元李彥文至正年任建學高
堂里養士愛民

明周伯汶詳名
官

文理詳名
官

安和景泰
年任

張登成化年任立學
廣教邑人稱之

桑時用成化年任
始築城

馬月輝成化年任
繼完城工

潘大武詳名
官

余槐 嘉靖年任 禱雨有應 民

王向葵 嘉靖年任 涪水泛溢 築雙林堰 蓄洩得宜

江曙 嘉靖年任

周資 字少泉 楚人

葉自新 萬曆四年任 修葺 城垣 增益 雉堞

安祚 萬曆十六年任 作 城串房環以濠

岳宗 詳未

國朝 詹履道 江南寧國人 歲 貢 康熙元年任

江油縣志

黃極 詳名 宦

萬瑞麟 山西長治人 監生 康熙二十二年任

劉秉智 順天大興人 官生 康熙二十六年任

萬維賢 河南封邱人 丁酉舉 人 康熙三十二年任

于有慶 詳名 宦

李若元 山西靜樂人 癸卯舉 人 康熙三十八年任

陳圖 字苞文 江南江寧人 歲貢 康熙四十一年任 陞知州

朱樟 字鹿田 浙江錢塘人 己卯舉人 康熙四十 六年任 鋤強興學 安集民人 陞主事

王士穎
詳名

彭 趾
字基士
江南溧陽人
辛卯舉人
始修邑志

李 愉
字廷怡
山東利津人
拔貢
雍正六年任

陶繼潛
順天大興人
庚子舉人
雍正八年任

陸 翼
江南青浦人
癸巳進士
雍正十二年任

魏 文
順天大興人
癸丑進士
乾隆三年任
改縣署大門南向
卒殯于邑西山

萬 詢
湖廣麻城人
癸卯舉人
乾隆十一年署重
修三堂詳天倉
乾元觀常住
作義學膏火

楊輔相
字錦峯
浙江歸安人
丙辰舉人
乾隆十二年任
移建文廟

江油縣志
卷上
三

曾曰瑞
江西南昌人
監生
乾隆十九年署

張永泓
直隸清苑人
乙卯舉人
乾隆二十年任

王 鉞
直隸肅寧人
拔貢
乾隆二十二年任

瞿緝曾
字熙仲
雲南楚雄人
己酉舉人
乾隆二十二年任
續修邑志
城垣武廟書院

主簿

明陳良
嘉靖二年任

錢 銳
嘉靖二年任

張煥南
湖廣沅陵人
萬曆十三年任

巡檢

朝國
曾^甯承勳
河南滎陽人
監生
雍正十一年署

辜省齋
浙江平湖人
吏
乾隆四年任

馬秉彝
順天大興人
供
乾隆七年任

張元成
浙江仁和人
供
乾隆十年署

范大猷
江南元和
人吏
乾隆九年任

王基
山東海陽
人吏
乾隆十年任

周應元
順天宛平
人監生
乾隆二十三年署

江油縣志

卷上

四

吳均
順天宛平
人監生
乾隆二十四年署

陳士英
順天宛平
人議叙
乾隆二十五年任

典史

明董子成
景泰
年任

姜綱
天順
年任
奏建城垣

孟添祿
嘉靖
年任

董大
嘉靖
年任

侯北
嘉靖
年任

朝國

許爾爵

康熙十一年任

黃起有

陝西華州人 康熙十九年任

李樹聲

陝西富平人 康熙二十四年任

文楓

陝西富平人 康熙三十四年任

鄒元錫

浙江山陰人 康熙四十二年任

魏公韓

直隸成安人 供事 康熙四十五年任

崔生璣

直隸唐縣人 康熙四十八年任

徐騰蛟

江南宣城人 供事 康熙五十七年任

江油縣志

范大成

雍正七年任

周琬

雍正七年署

王化貞

陝西甘泉人 乾隆元年任

王弘道

順天大興人 乾隆七年任

金明達

順天宛平人 乾隆十年署

江泓

順天宛平人 乾隆十年任

葉芳評

江西新建人 乾隆十九年署

茹錦

浙江山陰人 議叙 乾隆二十年任

吳均 順天宛平人 監生 乾隆二十六年署

徐愷

驛丞

明王世祿 嘉靖年任

劉宣 嘉靖年任

教諭

明饒旭 正統年任 興立學校

李藻 詳名 嘉靖年任

江油縣志 卷上

周俊 嘉靖年任

忠言 嘉靖年任

程遠 井研人 丙子副榜 康熙四十二年任

唐叔度 綿竹人 歲貢 康熙五十九年任

陳幹 定遠人 癸巳舉人 雍正二年任

熊游 宜賓人 恩貢 雍正九年任

吳維英 忠州人 丙辰恩科 乾隆七年任

楊京遠 興文人 彭明訓 乾隆十年署

李維林 彭水人 己酉副榜 乾隆十六年任

白璫 新都人 恩貢 乾隆二十年任

陶景璠 華陽人 丁酉副榜 乾隆二十一年任

陳鐸 太平人 恩貢 乾隆二十二年任

祝岷 洪雅人 進士 松潘教 授 乾隆二十二年署

彭仁 巴縣人 拔貢 乾隆二十四年任

訓導

明劉萬 嘉靖年任

江油縣志 卷上

葛勝芳 嘉靖年任

朝國趙晉 新津人 歲貢 康熙二十六年任

王英才 井研人 歲貢 康熙四十一年任

饒士盛 資州人 歲貢 雍正六年任

陳明書 隣水人 歲貢 乾隆十年任

王猷 南充人 歲貢 乾隆十九年任

嚴永孝 雅安人 歲貢 乾隆二十五年任

江油縣志

選舉

蜀中山水奇秀夙號才藪而散在列邑科甲或不少概見何與大抵瑰奇磊落之英金馬玉堂之士皆川嶽之氣厚積其盛以流光也志選舉

進士

宋楊

邁

政和

陳大器

一作大臨
紹興

陳

華

紹興

尚宸午

一作震午
嘉定
五二

江油縣志

卷上

張

靖

淳熙

明丁

城

永樂丙戌科

徐

忠

宣德丁未科
主事

戴

仁

嘉靖辛丑科
主事

舉人

明衛

信

洪武科
歷知府

雍天福

洪武科
歷鴻臚寺序班

丁

城

永樂科

丁

璪

永樂癸卯科

徐

忠

宣德科

辛

和

嘉靖科

戴

仁

嘉靖科

吳國璉

崇正科

李文蔚 崇正科

國朝 楊廷杰 順治辛卯科

楊芳春 雍正癸卯科

武舉

國朝 傅名世 雍正己酉科

趙光宗 乾隆丙子科

唐中言 康熙甲午科
平武撥入

鍾音 雍正己酉科

羅大綸 乾隆癸酉科

熊維翰 乾隆庚辰恩科

江油縣志

成均

本朝野無遺賢鄉會試外復有恩拔歲副孝廉方正
優生之舉其仰副旁求而爭自樹立者勳名亦
時與科目埒嗟乎士生今日何其幸也志成均

貢

明辛萬選

官郡博

宋及第

恩貢

江油縣志

卷上

五四

國朝

舒紹董

雍正元年

楊恒年

雍正元年

袁尚錦

乾隆元年

鄭光斗

十四年

唐帝臣

十五年

瞿南來

十七年

拔貢

國朝

韓紹愈

康熙元年

袁神采

洪元遵

雍正元年

宋炎

六年

吳昆

六年任知縣

洪天育

乾隆元年

王世良

六年品行端方邑士多所造就

楊學朱

六年

李培元 十八年

歲貢

朝國 呂大章

彭作哲

何勇

王綱肅 二十年

王瑾 二十年

楊光雄 三十年
江油縣志 卷上

湯若霖 三十年

何養邃 三十年

張鳳翼 三十年

李讓 四十年

羅傑 四十七年
慶府訓導

焦蓄德 五十年
訓導

梁彩 五十年

熊興周 五十年

羅基充 十八年

陶俊

李猶龍

羅雲繡 康熙十年

楊茂蘭 二十年

江岱 三十一年

羅經國 三十三年
訓導

熊作哲 三十年

筮聰 四十一年
南江訓導

趙大成 四十年

石懷瑾 四十年

許銑 四十九年

趙大猷 五十年

任文 五十四年
訓導

何其遠 五十七年

筮兼善 五年十

楊廓雄 一六年十

馬儒駿 二年

賈文達 四年

薛光宗 六年

舒謨 乾隆元年

舒展 五年江安訓導

苟容 九年

江油縣志 卷上

楊珣 十六年

江緒海 十八年

熊朝輔 一二十年

宋炯 一二十年

監生

明安繼祖

孫逢吉

李春茂 六十年

趙晉元 雍正元年

張維典 三年

黨尚雅 六年

李育世 八年

羅瓊 元年

宋儒 八年

王朝英 十年

五六

呂廷楷 十七年

楊芳聲 二十年

宋炳 一二十年

甯愚 二十三年 以孝行著

鄧萬邦

江油縣志

流寓

山水秉天地之靈人材毓川嶽之秀邑有奇傑
自命而已然名人哲士時或來遊來歌則勝際
益彰而流連慨慕之間風教亦多助焉志流寓

宋朱

芾

字元章吳人號海嶽外史有書李太白題江油尉廳詩石刻今存城隍廟

元丁古山

名未詳湖廣黃州人元舉進士避亂偕馬西峯訪道天倉山洞

馬西峯

名籍未詳

卷上

五七

江油縣志

郭文涓

字稚源閩人號錦屏仙史又號三山道人嘉靖戊申有遊大匡山詩

余

坤

楚人嘉靖辛亥有遊圖山詩

